

منحصراً مجلس مبعوثانك رضاسی ايله اعطا اولونابيلير . بوكا توفيقاً في الحال موجود اولان بتون امتيازات اقتصاديه وشيمدی به قدر اعطا اولمش اولوب بلكك اورماندر ومعادنی ایشلمك حقنی بخش ایدن امتیازلر ، بردها مجلس ملی به عرض اولنوب تعدیل اولنمالی . انحصار منفعتی وحاملی ، آنجا ق صرب ، خروات ، واسلووین دولتی اولابيلير .

ملکتمزده کی اراضی مسئلهسی نقطه نظر من بودر : بتون مزروع اولان یر ، باملك ايله بلكك ویاخود مستأجر ( چوقوی ) لره تودیع ایدلمش اراضی نوعنددر . ملك ( بلكك ) اولان ماملك ، یا کوچوك رنجبر اراضیسی ویا بویوچك مالكانه در . بویوچوك بلكك رنجبر اراضیسی قسم اعظمی اعتباریله بویوچون مدیون ومرهون بولنیور .

بویوچوك اراضی صاحبلىنك كندی باشنه و اوسنه قوه اقتصادیه ايله وارداتلرندن شو بورجلر ايله رهینلری یاقین زمانده اوده به جکری ايسه قطعاً مامول دکلدر . بلكك رنجبر ماملكینك بویله جه بورجلی ومرهون اولماسی ، فکر وقناعتمزجه مستأجر اراضیسی اوزرنده کی چوقویلق قیدی قدر ، وبلنكه اوندن زیاده زراعتك موفقیتلی صورتده ترقی وانكشافنه مانع اولیور ، بونك ایچون چوقویلق ( قه تالك ) اصولنك لغوی ايله برابر عین زمانده وعین صورتده بورنجبر اراضیسنك ده بورج ورهیندن قورتارماسنی طلب ایدهرز .

هر رنجبره یر ویرمه لی ویا اراضی معیشتنی تأمین ایده جك مقدارده اولمالی . حین لزومده دوتنه عائد مرعاری آلوب رنجبرلره تقسیم ایتمه لی . بوصورتله بورج ايله رهیندن قورتلمش اولاجق اولان رنجبر اراضیسنك استقبالده قورونمسی ضمنده ، بعدما بورج ایچون صاتیلامایاجق وهیچ ترهین ایدیه میه جك اصرری بر اراضی مقداری قانوناً تعیین ایدلمه لی .

منافع اقتصادیه عمومیه ، بویوچك چققلكلرك ( مالكانه لرك ) موجود اولماسنی استلزام ایدیور ؛ الا آن بویله مستقل مالكانه لر هرزده وارسه ، علی حاله ابقا ایدلمه لی . بوكا بناءً چوقویلق القاسی اثناسنده شونی ده نظر اعتباره آلمالی ، واسباب اقتصادیه نك استلزام ایتدیکی مقیاسده اراضی صاحبنه

بلكك ( ملك ) اراضیسنی بویوچك بر مالكانه ، مقدارینه ابلاغ ایده جك صورتده طویلی ویر برده اولارق اراضی ایرماسنی تأمین ایتمه لی . اراضی صاحبنك کافی درجه ده ملك ( بلكك ) اراضیسی اولمایوبده کندیسى ايسه بالذات یرینی سورمك ایسترسه ، بویله سنه ، اداره سنه کفایت ایده جك قدر اراضی ویرمه لی . چوقوی ( مستأجر ) مسئلهسی حل ایدیلنجه به قدر شیمدی به دك اراضی صاحبی ايله مستأجر ( چوقوی ) آراسنده کی مناسباتی تمید ایدن قیود قانونیه مرعی الاجرا قالمالی وهرایکی طرفك حقوقی قانوناً محفوظ اولمالی . رنجبر وصنایع جمعیتلرینی تأسیس ایتك صورتیه علی الخصوص کویلی وقصبه لی قارداشلر منك ترفیهلرینه اهمت مخصوصه ايله دقت ایده جكیز . عمله ، ایش صاحبی اولان سرمایه دارانك انصافسزلق وسوء استعماللرینه قارشى قوانین مخصوصه ايله حمایه ایدلمه لی . باخصوص خسته ، قضارده ، علیل واختیار اولدینی وقت عمله نك مجبوری اولارق تأمین اولماسنی وعمله یتیملریله طوللرینك اعانه ايله تأمیننی ایسترز .

— ۴ —

#### معارف سیاسی

تدریسات عمومیه بودجه سنك درجه نهاییه تزییدینی ومعارف عمومیه خصوصنده اصلاحات عملیه نك اصدارینی ایسترز . مكاتب ابتدائیه ورشدیه به دوام ، بوتون ارکك وقیز چوققیر ایچون مجبوری اولمالی ، مكاتب ابتدائیه رشدیه ، اعدادیه وعالیه تدریس پروگراملری ، اك مکمل عصر حاضر اصولیه کوره ترتیب ایدلمه لی . علوم دینیہ درسلری ، مكاتب ابتدائیه ورشدیه ده بوتون ادیان منسوبینی ایچون مجبوری التحصیل اولمالی . — ممکن مرتبه چوق مختلف صنایع مکتبلرینك آچلماسنی ، ومداملرینه ای بر اقتدار صنایع ویرمكه برابر آز زمانده مستقل اوستلر یتیدشدره جك صنایع « قور » ( Cours ) لرك تأسیسنی طلب ایدهرز . — دولت ايله هیئت اجتماعیه ملیه ، وار قوتلریله املاک